



ERANSKINA

"Non ikusten duzu Europa Euskadin?" ARGAZKI-LEHIAKETAREN OINARRIAK.

Lehena. – Antolaketa eta xedea.

Ogasun eta Finantza Saileko Ekonomia eta Plangintza Zuzendaritzak (Donostia-San Sebastián kalea 1, 01010 Vitoria-Gasteiz) "Non ikusten duzu Europa Euskadin?" gazteentzako argazki-lehiaketaren bosgarren edizioa antolatu du. Lehiaketaren xedea da Euskal Autonomia Erkidegoan EGEF funtsaren edo Europako beste laguntza batzuen eskutik finantzaketa jaso duten ekimen edo proiektuak argazkien bidez erakustea eta komunikatzea.

Bigarrena. – Partaideek bete beharreko baldintzak.

1. Diru-laguntzei buruzko azaroaren 17ko 38/2003 Lege Orokorraren 13.2 artikuluan aurrez ikusitako egoeretakoren batean ez egoteaz gain, parte-hartzaileek betekizun hauek bete beharko dituzte lanak aurkezteko egunean:

- a. Euskal Autonomia Erkidegoan erroldatuta egotea.
- b. 14 eta 25 urte bitarteko adina izatea, biak barne (1991ko urtarrilaren 1etik 2002ko abenduaren 31ra arte jaiotakoak).
- c. Sexu-arrazoiengatik diskriminatzeagatik zigor administratibo edo penala betetzen edo debeku horrekin zigortuta ez egotea, Emakumeen eta Gizonen berdintasunerako otsailaren 18ko 4/2005 Legean ezarritakoaren arabera.

1. Lehiaketan parte hartu ahal izateko, beharrezkoa izango da Facebook-en EGEF Euskadi orriaren zalea izatea.

2. 18 urtetik beherako parte-hartzaileek beren amaren/aitaren edo tutorearen alde z aurreko baimena izan beharko dute (parte-hartzaileak ez badu arau hori betetzen, antolatzaileek ez dute horren erantzukizunik izango).

3. Bigarren oinarri honetako 1.a eta b. letretan jasotako betekizunak betetzen dituela justifikatzeko, parte-hartzaileak dagokion datuak biltzeko baimena eman diezaiokie lehiaketa kudeatuko duen organoari elkarreragingarritasun-zerbitzuen bidez, IV. eranskinean jaso den inprimakia erabili. Gainerako betekizunak justifikatzeko, parte-hartzaileek II. eranskina erabili ahal izango dute erantzukizunpeko adierazpentzat.

Hirugarrena. - Aurkeztu nahi diren argazkiek bete beharreko baldintzak.

1. Euskal Autonomia Erkidegoan, EGEFk emandako finantzaketa edo Europako beste laguntza batzuk jaso dituzten proiektuak edo ekimenak erakutsi beharko dituzte argazkiek. Argazkiarekin batera testu bat aurkeztu ahal izango da. Ekimenaren edota proiektuaren eta Europatik jasotako laguntzen arteko erlazioa azalduko da testu horretan.

2. Argazkiek formatu digitala izango dute, eta eskakizun hauek errespetatuko dituzte:

- a. gailu digitalarekin egindakoak izatea.
- b. jpg artxiiboak izatea.
- c. artxiiboaren pisua gehienez ere 5 megabytekoa (MB) izatea.

1. Lehiaketan parte hartuko duten argazkiek originalak izan behar dute.
2. Ez da onartuko egileak egindakoa ez den edo egilearen jabetzakoa ez den argazkirik.
3. Parte-hartzaile bakoitzak gehienez bost argazki aurkez ditzake.
4. Baztertu egingo dira gustu txarreko argazkiak edo irudiko protagonistentzat iraingarriak izan daitezkeenak.
5. Baztertu egingo dira pertsonak, sexu batekoak edo bestekoak izateagatik, giza duintasun gutxiago edo gehiago dutela, edota sexu-objektu soil gisa ageri dituzten argazkiak. Orobat, ezingo dira zabaldu emakumeen aurkako indarkeria justifikatzen, horri garrantzia kentzen edo horretara bultzatzen duten edukiak.

Laugarrena– Argazkiak aurkezteko modua eta lehiaketaren garapena.

1. Facebook-eko EGEF Euskadiren orrian lehiaketak duen aplikazioaren bitartez kargatutako argazkiek soilik hartuko dute parte lehiaketan.
2. Lehiaketan parte hartzeko Facebook-eko “www.facebook.com/feder.ejgv.euskadi.eus” helbidean sartu behar da, eta parte hartzeko formularioa bete. Bertan erantsi ahal izango dira argazkiak. Formulario horretan, parte-hartzaileak honako datu hauek jarri beharko ditu:
 - a. Lehiakidearen izen-abizenak.
 - b. Jaioteguna.
 - c. Helbide elektronikoa.
 - d. Telefonoa.
 - e. Lehiaketaren berri zer bidetatik izan duen.

1. Parte-hartzailea adingabea baldin bada, amaren/aitaren edo tutorearen alde aurreko baimena duela erakutsi beharko du.
2. Lehiaketan parte hartu duten argazki guztiak erakutsiko dira Facebook-eko orrian. Horretarako, lehiaketan parte hartzearekin, lehiakideak onartu egiten du bere argazkiak lehiaketaren kanal sozialetan ikustea.

Halaber, irabazleak bigarren oinarriko 1. c) eta d) ataletan jasotako baldintzak betetzen dituela egiaztatu beharko du, Oinarri hauen II. eranskinean datorren erantzukizunpeko adierazpena eginez.

3. Irudiak lehiaketaren kanal sozialetan ikusi ahal izango dira, eta bisitariek libreki balioetsi ahal izango dituzte.
4. Deialdi honetan adierazitako betekizunak betetzen ez dituzten parte-hartzaileak automatikoki kanporatuko dira lehiaketatik.

Bosgarrena. Argazkiak aurkezteko epea.

Argazkiak 2016ko martxoaren 21etik apirilaren 23ra bitartean (egun biak barne) jasoko dira.

Seigarrena. –. Sariak.

1. Hiru sari emango dira:

- Lehen saria argazki onenari, epaimahaiak emana, lehen sailkatuarentzat: REFLEX NIKON D3300 KAMERA BAT (edo antzekoa, eskuragarri dagoenaren arabera), 18-55 eta 55-200 VR OBJEKTIBO BIREKIN, 625 euroko gehieneko zenbatekoagatik.
- Bigarren saria bigarren argazki onenari, epaimahaiak emana, bigarren sailkatuarentzat: GO PRO HERO kamera digital bat, 360 euroko gehieneko zenbatekoagatik.
- Hirugarren saria argazki bozkatuenari, herritarrek emana: Facebook-eko orrian zaleen boto gehien izan duen argazkiarentzat. SONY SMARTWATCH ERLOJU ADIMENDUN bat, 160 euroko gehieneko zenbatekoagatik. Argazki bozkatuena hautatzeko, lehen eta bigarren saria jaso duten argazkiak alde batera utziko dira botoen zenbaketan, hala badagokio.

2. Pertsona bati ez zaio emango sari bat baino gehiago, eta sari horiek aurreko atalean zehaztutako ordenaren arabera emango dira.

3. Lehenengo tokian sailkatutako argazkiaren egileak seigarren oinarri honetako 1. paragrafoan aipatutako sarietako edozein aukeratu ahal izango du; era berean, bigarren tokian sailkatutako argazkiaren egileak bigarren eta hirugarren sarien artean aukeratu ahal izango du. Bi kasu horietan, beheragoko mailako sariren bat aukeratuz gero, ezin izango da sarien arteko diru-diferentzia jaso.

Zazpigarrena. –. Lehiaketaren epaimahaia eta saritutako argazkiak hautatzeko irizpideak.

1. Hiru kidek osatuko dute epaimahaia:

- a. Lehendakari bat, Ricardo Ferreira, Programme Managerra, DG Regional and Urban Policy-ren ordezkari gisa (Europako Batzordea).
- b. Mikel Arrazola Arregui, Gobernu Irekiaren Zuzendaritzako irudi-teknikaria (Eusko Jaurlaritza); epaimahaiko idazkaria izango da.
- c. Ana Iglesias, Eusko Jaurlaritzako Ogasun eta Finantza Saileko ordezkaria.

1. Argazkiak aurkezteko epea amaituta, lehiaketaren Facebook-eko orrian, zaleen boto gehien eskuratu dituzten 10 argazkietatik 2 hautatu beharko ditu epaimahaiak, hain justu ere lehiaketa honen Hirugarren oinarriko 1. atalean ezarritakoa hobekien betetzen dutenak. Boto gehien eskuratu duten argazkien artean, parte-hartzaile batek argazki bat baino gehiago baditu, boto gehien izan dituen hautatuko da finalerako. Boto-berdinketarik gertatzen bada, antolakuntzak hautatuko du finalera joango den pertsonaren argazkia.

2. Argazkiak aukeratzeko, honako irizpide hauek hartuko dira kontuan:

- a) Europar Batasunak aukera-berdintasunaren alde egindako ekarpenaren garrantzia ikustea (20 puntu, gehienez).
- b) Argazkien kalitate teknikoa: konposizioa, araztasuna, esposizioa, teknika edo baliabide fotografiko berritzaileak erabiltzea (10 puntu, gehienez)
- c) Originaltasuna gaiari heltzeko orduan (10 puntu, gehienez)
- d) Eragin eta erakargarritasun bisuala (10 puntu, gehienez)
- e) Emakumeen parte-hartze aktiboa eta bi sexuen presentzia orekatua eta irudi plurala erakustea, edertasun-kanonak eta bizitzako eremu bakoitzean betetzen dituzten funtzioei

buruzko estereotipo sexistak alde batera utziz (10 puntu, gehienez)

Zortzigarrena. – Saria ematea ebaztea, hautatutako pertsonen jakinaraztea eta sariari uko egitea.

1. Saiak emateko erabakia Ekonomia eta Aurrekontuetako sailburuordearen ebazpen bidez hartuko da 2016ko maiatzaren 9a baino lehen. Egun horretan egingo da sariak emateko ekitaldia. Hautatu diren pertsonen eta boto gehien jaso dituen argazkiak oinarri hauetan ezarritako betekizunak betetzen dituztela egiaztatu ondoren egingo du bere aukeraketa epaimahaiak, eta hori hartuko du kontuan sailburuordeak ebazpena egiteko.

2. Sariak nortzuek jaso dituzten lehiaketaren Facebook-eko orrialdearen bidez jakinaraziko dira. Hiru pertsona irabazleei zuzenean emango zaie sariaren berri, lehiaketaren Facebook-eko orriaren bitartez mezu pribatu bat igorrita.

3. Irabazleek 24 orduko epea izango dute, jakinarazpen pribatua jasotzen dutenetik, saria onartzen dutela adierazteko. Onarpen hori, era berean, lehiaketaren Facebook-eko orriaren bitartez egin ahal izango dute. Jakinarazpenaren unean emango zaie saria eskuratzeko prozeduraren berri. Aipatutako epea igaro eta lehiakideak ez badu adierazi saria onartzen duela, uko egiten diola ondorioztatuko da, eta ez da bestelako ordainik egongo.

4. Saria jasotzeko uko eginez gero, arrazoia edozein dela ere, saridunak ez du bestelako ordainik jasotzeko eskubiderik izango. Uko eginez gero, puntuen hurrenkeran hurrengo dagoen argazkiari emango zaio saria.

5. Partaideek emandako datuetan akatsen bat baldin badago eta, horren ondorioz, haiek identifikatzea ezinezkoa bada, Eusko Jaurlaritzak ez du izango inolako erantzukizunik.

6. Datu Pertsonalak Babesteko 15/1999 Lege Organikoan aurreikusitako ondorioetarako, irabazleek saria onartzeak zera dakar: sustapen honi lotutako edozein zabalkunde edo ekintza publikotan, haien izenak eta abizenak erabiltzeko baimena ematea Eusko Jaurlaritzari, baina horrek ez du sortuko, sariaz aparte, bestelako eskubide, ordainsari edo onurarik. Baimen horri ezezkoa emateak sariari uko egin beharra ekarriko du.

Eusko Jaurlaritzak esanbidezko adostasuna eskatuko dio saridunari, oinarri hauen III. eranskinean jasotako inprimakiaren bidez, zortzigarren oinarriko 6. atalean aurreikusitako ondorioetarako.

Bederatzigarrena.– Sari-banaketa.

1. Sariak ekitaldi baten emango dira, eta irabazleek bertan egon beharko dute. Ekitaldirako egun eta orduaren berri garaiz emango zaie irabazleei. Justifikatutako arrazoren bat dela-eta irabazleak ezin badu ekitaldira etorri, beste pertsona bat izendatu ahal izango du aipatutako ekitaldi horretan haren izenean saria jasotzeko.

2. Sariak emateko ekitaldian, argazki guztiak erakusketa-areto baten izango dira ikusgai, formatu fisikoan edo digitalean. Argazkien egileei jakinaraziko zaie argazkiak zein egun, leku eta ordutegi zehatzetan erakutsiko diren.

3. Saria emateko orduan, irabazlea adingabea bada, Eusko Jaurlaritzak esanbidezko adostasuna eskatuko die haren gurasoei edo legezko tutoreei, lehiaketako saria jaso dezaten eta horrek berekin dakartzan betebeharrak bete ditzaten; horretarako, oinarri hauen I. eranskinean dagoen inprimakia bete beharko dute.

Hamargarrena. Saritutako argazkien jabetza.

1. Parte-hartzaileak, lehiaketara aurkeztu duen argazkiaren egile-eskubide guztien titular bakarra denez, erabateko erantzukizuna izango du aurkeztutako lanaren gain hirugarrenek eskubiderik ez izateko edo hirugarrenen batek irudi-eskubideen ondorioz jar ditzakeen erreklamazioen aurrean.

2. Saritutako lanen ustiapen-eskubideak Euskal Autonomia Erkidegoko Administrazio Orokorrari emango zaizkio, modu ez-esklusiboan, eta 3 urterako gehienez ere. Ustiapen-eskubide horiek saritutako lanak erreproduzitzeko, banatzeko, haien komunikazio publikoa egiteko, eraldatzeko eta egokitzeko baliatuko dira, lan horiek lehiaketa honekin lotutako zabalkunde jarduera publikoetan erabiltzeko.

Hamaikagarrena. Betebeharrak eta erantzukizunak

1. Lehiaketa honetan parte hartzeak berekin dakar oinarri hauek eta epaimahaiaren erabakia onartzea. Oinarri hauek (batzuk edo guztiak) ez direla onartzen adierazteak parte-hartzailea kanporatzea ekarriko du, eta horren ondorioz, administrazioa libre da parte-hartzaile horrekiko hartutako obligazioa betetzetik.

2. Facebook-ek ez du babesten, abalatzen edo administratzen inola ere lehiaketa hau. Eusko Jaurlaritzak jasoko du parte-hartzaileak Facebook-en bitartez ematen duen informazioa, eta ez beste inork, eta lehiatzailearen parte-hartzea izapidetzeko eta irabazle suertatuz gero sariaren berri emateko erabiliko du soilik.

Hamabigarrena. Sariak errebokatzea

1. Emandako sariak errebokatu egingo dira, Euskal Autonomia Erkidegoaren Aurrekontu Orokorraren kontura emandako diru-laguntzen bermeen eta itzulketen jardunbide orokorra arautzen duen abenduaren 17ko 698/1991 Dekretuan edo hori ordezkatzeko duen arauan, eta azaroaren 11ko 1/1997 Legegintza Dekretuaren bidez onartutako Euskal Autonomia Erkidegoko Ogasun Nagusiaren Antolarauei buruzko Legearen Testu Bateginean aurreikusitakoaren arabera, baldin eta Diru-laguntzei buruzko azaroaren 17ko 38/2003 Lege Orokorraren 37.1 artikuluan aurrez ikusitako arrazoiren bat tarteko bada, eta, zehazki, oinarri hauetan ezarritako betebeharrak betetzen ez badira.

2. Ekonomia eta Aurrekontuetako sailburuordearen ebazpen bidez errebokatuko da saria, eta ebazpen horretan adieraziko da zergatik errebokatu diren eta errebokatzeak zer ondorio ekarriko dituen.

Hamahirugarrena. Bateragarritasuna

Lehiaketa honetan parte hartzeak ez du esan nahi ezin direla argazki berberak antzeko beste lehiaketa batzuetan aurkeztu, eta ez dago eragozpenik lan berberarengatik sariak edo aitortpenak jasotzeko.



I. eranskina

Izen-abizenak:jaun/andreak

NAN/AIZ/Pasaportea:

..... adingabekoaren aita/ama/turore denak

BAIMENA ematen dio "Non ikusten duzu Europa Euskadin?" argazki-lehiaketaren saria jasotzeko, eta adierazten du ezagutzen dituela lehiaketaren oinarriak eta oso-osorik onartzen dituela.

Lekua, data eta sinadura.

II. eranskina.

Izen-abizenak:jaun/andreak

NAN/AIZ/Pasaportea:

Honako hau den aldetik:

ADIERAZTEN DU, "Non ikusten duzu Europa Euskadin?" argazki-lehiaketaren bigarren oinarrian jasotako ondorioetarako,

- Ez dela zigor administratibo edo penalik betetzen ari sexu-arrazoiengatik diskriminatzeagatik, eta ez dagoela debeku horrekin zigortuta, Emakumeen eta Gizonen berdintasunerako 4/2005 Legean ezarritakoaren arabera.

- Ez dagoela zigortuta diru-laguntza edo laguntza publikoak lortzeko aukera galtzearekin, ezta horretarako ezgaitzen duen legezko debekuen eraginpean ere.

- Zerga-betebeharrak eta Gizarte Segurantzarekikoak egunean dituela.

- Diru-laguntzen itzulketaren ziozko betebeharrak egunean dituela.

Lekua, data eta sinadura.



III. eranskina

Izen-abizenak:jaun/andreak

NAN/AIZ/Pasaportea:

Honako hau den aldetik:

BAIMENA ematen dio Eusko Jaurlaritzari "Non ikusten duzu Europa Euskadin?" argazki-lehiaketarekin erlazionatutako jarduera-publiko edo hedapen-jardueretan bere izena eta abizenak erabiltzeko, sariaz aparteko bestelako eskubiderik, ordainketarik edo onurarik jasotzeko eskubiderik izan gabe.

Lekua, data eta sinadura.

IV. eranskina:

Izen-abizenak:jaun/andreak

NAN/AIZ/Pasaportea:

☐ Eskatzaile denez.

☐ adingabekoaren aita/ama denez, eta NAN hau izanik:.....
..

☐ adingabekoaren tutorea denez, eta NAN hau izanik:.....

Adina egiaztatzeko agiririk eta erroldatze agiririk aurkeztu beharrik izan ez dezan –"Non ikusten duzu Europa Euskadin?" argazki-lehiaketaren V. edizioko 2. oinarrian jasotzen da agiri horiek aurkeztu behar direla–, BAIMENA ematen dio Ekonomia eta Plangintzako zuzendariari datu hauek elektronikoki kontsultatzeko, elkarreragingarritasun zerbitzuen bidez:

☐ Nortasuna (Poliziaren Zuzendaritza Nagusian)

☐ Bizileku-datuak (Bizileku-datuak egiaztatzeko zerbitzuan – EIN)

Lekua, data eta sinadura.



V. eranskina

Izen-abizenak:jaun/andreak

NAN/AIZ/Pasaportea:

Honako hau den aldetik:

ADIERAZTEN DU, «Non ikusten duzu Europa Euskadin?» argazki-lehiaketaren 8.3 oinarrian jasotako ondorioetarako, ONARTU egiten duela saria.

Lekua, data eta sinadura.